

595  
102.

# DEO OPTIMO MAX.

UNI ET TRINO,

VIRGINI DEI-PARÆ, ET S. LUÆ,  
Orthodoxorum Medicorum Patrono.

## QUÆSTIO MEDICO-CHIRURGICA.

QUOD LIBETARIIS DISPUTATIONIBUS  
manè discutienda, in Scholis Medicorum, die Martis quartæ  
mensis Martii, Anno Domini M. DCC. LXVI.

M. LUDOVICO-CLAUDIO BOURDELIN, Antiquo Faculta-  
tis Decano, Regiæ Scientiarum Academiæ, Regiæque Societatis  
Berolinensis Socio, in Horro Regio Chimiæ Professore, & Gal-  
liarum Principum Medico Primario, Doctore Medico, Præsidi.

Utrum in pectoris Paracentesi satius sit in parte laterali & anticâ sectionem  
instituere, quàm ad partem posticam.

I.



PERATIO quâ mediante liber aut puri, aut aquis,  
aut sanguini in pectoris cavo effusi conceditur exitus, Pa-  
racentesis pectoris nuncupatur. Illa a veteribus celebrata  
fuit, & quidem cum successu. Qui enim, inquit Hippo-  
crates, suppurati uruntur, aut secantur, si quidem purum effu-  
sit pus & album, evadunt: si verò subcruentum, & consutum  
ac graveolens, percuti. (a) Multa nostris temporibus in propatulum ve-  
niunt exempla quibus sat superque evincitur faustis avibus cessisse hanc  
operationem his in rerum angustiis, in quibus ægrotantes soli naturæ  
commissi certe certiori letho occubuisse. Attamen quotidie videre est  
ægros Empyemate aut hydrope pectoris laborantes, denegatis auxiliis,  
sato fungi. Istam Paracentesim ablegant Chirurgi nostrates hoc innixi mo-  
mento, quod nunquam ferè succedat: hinc la Morte ratus omnes hydro-  
pes pectoris ex suâ naturâ esse lethiferas, vividè increpat hanc opera-  
tionem tanquam rationi & experientiæ minimè consonam. Verùm aliter  
sentiebat divus Senex: quando, inquit, si post sectionem adhibitam, linamento  
pus adhaferit quinta die, plerumque evadit (b). Si periculum ingruat, illud  
ex eo natales ducit quòd, dum de die in diem procrastinatur, humores  
effusi pravam induant diathesim, sicque venarum absorbentium ope ad  
communem sanguinis alveum delapsi, nectar vivificum, admixtâ collu-  
vie, coinquant. Hinc intensior morbi causa, hinc fit malum immedica-  
bile. Eodem modo judicandum est de Paracentesi pectoris, ac de Bron-  
chotomiâ oblivione ferè deletâ. Si quis Medicus ad illam confugere cupiat,  
veluti ad sacram salutis anchoram, reluctantur omnes, licet suffocatio-  
nis periculum adsit, certamque mortem portendat imprudens cunctatio.  
Tempore opportuno peragatur operatio de qua nunc agitur, & cum bo-  
nis ægri rebus omnia sese habebunt? sed ut certiores obtineat succes-  
sum, necesse est ut quædam admittantur correctiones. Dum enim in par-

(a) Aph. 400  
Sect. VII.

(b) Vid. Spec-  
cul. Hip. Zuin-  
ger. pag. 234.

te posticâ pectoris sectio instituitur, timendum est nè tundatur arteria intercostalis, ne ora vulneris jugi humorum effluxu macerata in putridum liquamen abeant, ne propter angustius intervallum ad costas pertingat caries, ne tandem plagam obideat fistula: quæ quidem varia incommoda gravioris admodum momenti facillitè præcaventur, si in parte laterali & paululum anteriori celebretur operatio. Probandæ hujusce correctionis utilitati incumbere non arduum. Sed priùs perpendere est morbos in quibus requiritur ista Paracentesis.

## I I.

**O**MNES fermè partes continentes, aut in cavo pectoris contentæ Empyemati natales præbere queunt. Mirum igitur videri non debet: cur *Aetius* hujusce morbi definitionem tam longè latèque extendat (1). Indè sequitur vomica sedem posse obtinere in aliâ parte quàm in pulmonibus. Enim si Pleura sola inflammatione vexetur, quod rarò contingit, (tunc enim afficitur pulmo in quantum pars istius visceris quæ loco inflammato respondet, humore lubricante orbatâ, in puncto contactus incalcescit, phlogisticam dispositionem contrahit, hinc humorum stagnatio, hinc erythimus, inde inflammatio.) Si, inquam, pleuræ inflammatio faustior resolutionis exitum non experitur, suppurationi imminet, suboritur vomica, quæ quidem ruptâ, in cavum thoracis pus stillat. Mediastini inflammatio, quamvis rarior, ferè semper in suppurationem abit. Textus cellularis cujus ope duæ istius partis lamellæ mediæ sibi invicem junguntur, contagio mali afficitur, & non ut omnes textus cellularis in flammati resolutionem rarè obtineri. Factâ autem suppuratione a se invicem divelluntur ambæ mediastini lamellæ quæ partim ad formationem parietum quibus constat vomica, concurrent: mala verò rupturæ successura a semetipsis disferent prout illa vel alia vomica pars disrupsa fuerit (2). Ex pericardii suppuratione aliquandò sobolecit Empyema. Oritur adhuc, dum paræphrenitide in suppurationem abeunte fit abscessus ad partem convexam diaphragmatis. Morbi denique catharrofi pederentim non rarè ad Empyema ducunt, observationibusque compertum manet quosdam, ruptâ ex improviso vomicâ quam vix suspicari fas erat, vitam cum morte commutasse. Quoad illos morbos sic eloquitur *Baglivius*. »La-  
tent interdum per plures annos tubercula absque sensibili molestiâ agros-  
cantis, manifestantur demùm vel post pleuritidem, vel post anginam,  
» vel post febrem aliquam sanatam. Igitur si post sanatam aliquam febrem

(1) » Empyici, hoc est pectore suppurati, vocantur, quibus abscessus in succingeme-  
nta, costas intussecus membrânâ, aut in aliquâ aliâ pectoris pelliculâ, factus, accrevit ruptus:  
» est, & in vacuum pectoris locum effusus, inter pulmonem & membranam costas succin-  
gentem. *Aet. Sermon. Obs. pag. 89.*

(2) Mediastinum versus partem posteriorem triangulare efficit spatium in quo jacent cor-  
pora vertebrarum, œsophagus & aorta. Versus partem anteriorem & superiorem thoracis  
aliud triangulare spatium datur ex parte mediastini. Apud infantes locum illum occupat  
glandula Thymus nuncupata. Itaque 1.º si pus colligatur in spatio triangulati postico, timen-  
dum est ne, dum moras necit, hoc in loco carie depascat corpora vertebrarum. Fieri etiam  
possit ut iter sibi sternat versus abdomen, & hinc ascites purulentus; vel rumpuntur parie-  
tes sacci laterales ad cavitatem thoracis spectantes, & hinc empyema 2.º Si coarcevetur  
versus partem anticam, pertimescendum ne pars interna sterni corrodetur, aut dissipis  
parietibus pus cavum thoracis petat.

» superveniat dolor lateris, vel dorsi, vel alterius pectoris partis dissi-  
 » cili accedente, ac non nisi rectâ cervice, respiratione, tuberculum ad-  
 » inflammationem, & suppuratum ire significat, cui statim meden-  
 » dum» (e). Quo posito facile intelligimus ex causâ in obscuris latitante  
 Empyema nasci, quod, ut ait celeberrimus *Vansvieten, Medicos fallit dum*  
*non expectant empyema, nisi post validos morbos inflammatorios pectoris præ-*  
*gressos.* Inter causas illius morbi annumerare licet vulnera instrumento  
 quocumque pectori inflicta. Illa vel pectoris penetralia subeunt, vel  
 non. Si penetrent, lœsique fuerint ductus sanguiferi, humor colligitur  
 super diaphragma; si non penetrent, sed ita infligantur ut illorum ori-  
 ficium aliud sit quàm pars ubi desinunt, humores effusi ob moras quas  
 necunt quemdam fermentationis motum suscipiunt, & in materiam pu-  
 riformem vertuntur. Illa materia in textum cellulosum sibi pandit iter,  
 hinc varii cuniculi; aliundè pleuram perpetuò lambens pus huic-ce parti  
 inflammationem sulcat, indeque illius suppuratio. Sensim sine sensu tenuior  
 evadit illa membrana, tandè perumpitur, pusque in cavitatem tho-  
 racis destillat. Musculorum pectus munientium sugillationes illud ma-  
 lum aliquandò accersent, & eodem modo.

(c) Bagl. Prax.  
 med. lib. 1.  
 ap. IX. pag. 25.

Inter morbos qui Paracentesim requirunt locum infimum non tenet  
 pectoris hydrops. Ex multis oritur causis. Etenim vel venarum absor-  
 bentium oscula reorbtioni materiæ exhalatæ dicata obstruuntur, vel  
 reorbtio non fit ratione habitâ quantitatis materiæ exhalantis, vel ali-  
 quot vasa limphatica disrumpuntur, vel tandem in ipsamet pulmonum  
 substantia, id est in textu celluloso quo mediante vesiculæ pulmonum &  
 vasa sanguifera inter se uniuntur, hydrops tunicatus, seu *vomica aquosa*  
 producitur. Hippocratem non fugiebat illa hydropis species. *Fit etiam,*  
*inquit, si tubercula in pulmone fuerint enata, & aqua repleta, & in pec-*  
*tus erupit* (f): cui quidem rei suffragatur exemplum a celeberrimo *Ma-*  
*doxi* in actibus Regiæ Scientiarum Academiæ consignatum anno 1734.  
 mediastini percardiique hydrops observare datur. Cùm verò harumce  
 partium hydropses aliam medendi rationem postulent, has de industriâ mis-  
 sas facimus.

(f) De intern.  
 affect. XXV.  
 Zuinger Spe-  
 cul. Hip.

### I I I.

**M**ORBIS de quibus modò mentionem fecimus, adscribuntur simp-  
 tomata tum communia, tum peculiaria. Ad priora 1.<sup>o</sup> attendamus.  
 Cùm liquidum in cavitare thoracis effusum ratione habitâ quantitatis plus  
 minusve comprimat pulmones, & ad depressionem cogatur diaphragma,  
 hæc aderunt, nempe, anhela respiratio, laboriosa; si erecto trunco stet  
 æger, pulmones facilius subibit aer, si in latere sano decumbat, suffo-  
 cationis periculum ingruit. Præterea tussis sicca deprehenditur, anxietas  
 perpetua: febris adeft, sitis gravis, nullum cibi desiderium. Brevi, sequi-  
 tur febris hectica cui novum ex puris reorbtione subministratur pabu-  
 lum, purulentaque cacochimia instat. Nunc de signis peculiaribus agen-  
 dum.

Si quæcumque pulmonis pars vomicâ purulentâ afficitur, nullo pecu-  
 liari signo denotatur, & non possumus certi certiores fieri de Empyemate,  
 nisi mediantibus morborum prægressis symptomatibus. Si post inflamma-  
 tionem pleuræ vomicæ suspicio adfit, illud signum ex Hippocrate deprom-

prum tenemus. Si in altero tantum latere suppuratio fuerit, tunc  
 » vertere tunc edificare ad hæc convenit, nunc dolor aliquis alterum latus  
 » detineat, & nunc altero calidius fuerit; atque ubi latus in sanum decu-  
 » buerit, interrogare si quod ei pondus desuper impendere videatur. Si  
 » enim altero latere, in quo pondus extiterit, suppuratio est. (g). Abs-  
 » cessus ex Paraphrenitide natus viam sibi parare poterit versus cavum pec-  
 » toris, & signa ex illo morbo excerpta Empyemati, & hydropi commu-  
 » nia sunt. Quod tamen certum & inconcussum manet, illud nempe, quod  
 » si resolutio istius inflammationis non promptè succedat, suppuratio istius  
 » partis celerius procedit, sed periculo & lethali, inquit Aretæus. Res eodem  
 » modo se gerit quoad inflammationem mediastini, aut pericardii: & si  
 » pus aut aqua ex illis partibus in cavum thoracis effluat, signa sunt eadem  
 » ac antea dicta. Sed notandum venit quod si pus colligatur in mediastino;  
 » pondus quasi suspensum, pulmonesque comprimens deprehenditur, quan-  
 » do aut in latere dextro, aut in sinistro resupinus jacet æger. Aliundè  
 » suppurationem mediastini suspicabimur inflammationis progressæ signis.  
 » Signa verò pectoris hydropis peculiaria hæc sunt, facies, manus, pedes,  
 » crura, femora & scrotum tument, & si cum illis signis concurrat laboriosa  
 » respiratio, de hydropæ certi sumus. Cum ædema extremitatum pectoris  
 » hydropem comitetur, si quâ proportionè ædema augetur, eadem faciliore  
 » evadat respiratio, hydropem pectoris exillere certo constat. Verum in  
 » Pifone signum certissimum videtur, nempe, » eam inspirando difficul-  
 » tem ac crebriorem, quæ de subito somni primo tempore invadat, &  
 » quiete defraudet, sed tamen procedente die sensim lentescat, quod  
 » signum cum ratio mihi dicitaverit, tunc experientia in omnibus com-  
 » probavit. (h). Præterea sicca tussis torquetur æger, fauces exasperan-  
 » tur, mox succedit febris & si Hippocratem adeamus, legere est tales ægros  
 » similibus affici malis ac suppuratos, verum remissius; atque diutius & addit,  
 » si facies, pedes & venter inuunescat, hoc tantum fieri si scellionis tempus præte-  
 » rieris. Missa facimus signa hydropis-pericardii, cum, ut jam innumus  
 » suppeditetur alia methodus cujus ope foras amandantur aquæ in pericar-  
 » dio contentæ. Attamen signum hujus-ce morbi pathognomonicum in  
 » Tractatu de corde expositum legimus. Percipitur inter tertiam, quartam &  
 » quintam costam motus undulationis, aut fluctuatio sat faciliè deprehen-  
 » enda.

Ut Empyematis stabiliatur diagnosi, ad signa Anamnesticæ recurren-  
 » dum venit. Si dum vigeret morbus incassum tentata fuerit resolutionis  
 » via, si insuper dolores ex inflammatione pulmonis aut pleuræ prodeun-  
 » tes, stante curationis tempore, nihil de sua sævitia amiserint, (nam  
 » dolorifica partium istarum mala quæ non quiescunt nec expurgatione,  
 » sputi, nec sanguinis detractione, neque pharmaciâ simul atque diætâ  
 » in suppuratum vertuntur, \*) Empyema pertimescendum est. Tunc ead-  
 » em manet spirandi difficultas, facies velut ruboribus efflorescit, sitis  
 » paulisper excruciat ægrum, & sub vespere ingruit febricula. In hoc casu  
 » abscessus qui ad crura sunt, omnes quidam niles: & prævidentur si circa hy-  
 » pocondria aliquid inflammatorii adfuerit. Vomica rupturæ tempus du-  
 » tium est, & quando locum habet, symptomata quæ antea debacchata  
 » evanescunt, subito evanescunt, respiratioque ita liberior evadit ut æger

(g) FERNOLIO.

(h) De morb.  
 a scrofa, col-  
 lavi. Sect. III.  
 cap. 7.

Traité du  
 scut. de M.  
 BENAC. Tom.  
 II. Lib. IV.  
 cap. V.

Coac. 19.  
 Tid. DURK.  
 183. 262.

non solum sanus sibi metipsum, sed etiam astantibus videatur (1). Per se par-  
 ret istius phenomeni ratio. Sed tempore quodam elapso aliquot symp-  
 tomata, jam memorata, de novo recrudescunt. Pedetentim ingurgitur  
 liquido cavum thoracis, & eadem proportionem quam pus effluit, augetur  
 spirandi difficultas. Diagnosi rupturæ vomicæ semel stabilita, in quam  
 pectoris cavitatem aqua aut pus exstiterint, pendere est. Ad id, manu  
 concutitur thorax: » In quibus multus editur strepitus, ii minus puris ha-  
 » bent, quam quibus paulo difficior inest respiratio, iique melius colo-  
 » rati videntur. Quibus verò nullus intus fit strepitus, difficultas tamén  
 » spirandi. vehemens adest, & livescunt ungues, ii pure pleni sunt, ac  
 » perniciosè habent. (k). In extremis digitis & volis manuum acer de-  
 prehenditur calor. Tandem omnibus signis, de quibus suprà, in unum  
 collatis, ut certi certiores fiant Medici de statu ægrotantis, perpendunt  
 nùm sit unum latus altero magis prominens, & calidius. Signa effusi &  
 collecti sanguinis eadem sunt ac præcedentia. In illo ultimo casu frustra  
 adhiberetur Paracentesis, si quidem iteratæ sanguinis missiones ad refor-  
 bitionem fluidi effusi plerumquè sufficiunt.

(k) Prænoti-  
 coact.

Ex his facillè patet quo in casu, quo in tempore, absentibus signis quæ ma-  
 lum immedicabile denotant, felici cum successu possit institui pectoris Pa-  
 racentesis.

#### I. V.

**L**IQUIDUM quodcumque cavo thoracis inclusum medium requi-  
 rit quo foras eliminetur, si ope remediorum tentata fuerit incassum  
 reformatio. Medium illud est pectoris apertura. Locus adest vel electionis;  
 vel necessitatis. Quando datur electionis locus, placet Chirurgis nostratis  
 bus Paracentesim sic instituere. In ventrem cubare debet æger. Interval-  
 lum inter septimam & octavam, vel inter octavam & nonam costam eligitur.  
 Cum verò propter obæsitatem ægrotantis difficilius admodum repe-  
 riatur aliquando illud intervallum, ut constet de loco, ubi tegumenta se-  
 cari debent, incisio fiat in puncto concursus duarum rectarum linearum  
 quas sic ducerent, primam ex angulo inferiori scapulæ versùs os ilci ejus-  
 dem lateris, & cujus longitudo foret sex transversorum digitorum,  
 alteram ex spinâ inferiorum dorsi vertebrarum, & cujus latitudo foret  
 quinque transversorum digitorum. Puncto incisionis semel dato, sec-  
 tionem perpendicularem faciunt, donè in conspectum veniant  
 muscoli intercostales. Sectio illa fit mediante recto scalpello. Primâ illâ inci-  
 sione peractâ, ita in musculos intercostales adigitur scalpellus, ut istius in-  
 strumentum dorsum partem inferiorem aut septimæ, aut octavæ costæ respiciat,  
 ne rescindantur vasa sanguifera & nervi. Nonnulli jubent ut suspensâ manu  
 secentur muscoli intercostales, ne pleuram attingat scalpelli mucro: pos-  
 teâ mediante instrumenti manubrio pleuram diserpunt. Illa operandi  
 methodus his innititur momentis, ut vitetur diaphragmatis vulnus. Alt pe-  
 ssima illa methodus, & 1.º quidem perpendiculis sectio ableganda est.  
 Spatium enim quod existit in parte ferè posticâ pectoris angustissimum

(1) At si per infusum pus minimè educatur, id ex pulmone in thoracem erumpit, postque  
 eruptionem sanus videtur, quod pus ex angustia in ampliores locum venerit, & spiritus  
 quem respiramus in pulmone sedem habet. Hipp. De morb. Lib. III.



est: hinc non facili denegotio foras amandantur pus aut aquæ: hinc horizontalis sectio palmam præripit. 2.<sup>o</sup> Pleuræ sectio instituenda est. Vultus enim diaphragmatis immerito pertimescunt, si quidem curvatura illius in collectione liquidi eò tendit, ut lineam serè rectam describat, præsertim versus thoracis latera, ubi incipit illius curvatura. Hinc deprimitur diaphragma. 3.<sup>o</sup> pleuram disrumpendo, textum cellularem cuius opè costis hæret illa membrana dilacerant. Mirum igitur videri non debet cur sugillatâ in parte rupturæ pleurâ, suppuratio novas acquirat vires, & cur costarum caries certior evadat; pus enim in textum cellularem jam dictum serpens, & retentum, compactamque costarum substantiam perpetuò lambens, partem illam rodit; inde quibusdam Chirurgis sectio horizontalis præstantior videtur. Methodus verò quam proponimus & a celeberrimo *Sharp* excogitata\*, ab illâ modò enumeratâ in eo differt, quod pars lateralis & paululum anterior pectoris secetur, id est, in parte ubi fibræ musculi serrati majoris & antiqui a se invicem diducuntur, tum ad dextrum, tum ad sinistram, (in illâ enim parte inter fibras quæ absolvunt partem infernam digitationis superioris, & illas quæ partem supernam inferioris constituunt, spatium duarum circiter lin earum relinquitur.) & ante principium digitationum, id est, ad distantiam unius transversî digiti ex basi digitationis; nam singulæ illius musculi digitationes triangulum exhibent cuius basis sumitur ubi desinit maxima digitationis extensio. Priusquam ad operationem sese accingat Chirurgus, 1.<sup>o</sup> spatium quod intercedit inter spinam dorsi & sternum in duas partes æquales dividitur; 2.<sup>o</sup> ad distantiam unius & dimidii transversî digiti, suprâ punctum medium, attollitur cutis ope ministri ita ut plicam efficiat, & scalpello scinduntur horizontaliter tegumenta. Ut sectio illa optima evadat, respondere debet spatio quod inter sextam & septimam verarum costarum reperitur, & in puncto ubi fibræ musculares intercostalium tum externæ tum internæ sese decussant. Musculis intercostalibus semel detectis, apex digiti indicis sinistrae manûs, (si in latere dextro absolvetur operatio.) in supernum vulneris inficere angulum immittitur; mucronis scalpelli dorsum ungue digiti indicis fulcitur; tunc scalpellus paulisper inclinatus versus inferiora in cavum thoracis adigitur, sectio quæ sit duorum aut trium transversorum digitorum. Quo peracto in latere incumbit æger, pusque aut aquæ erumpunt. Liquido egresso, fasciâ sumitur plicâ in medio instructa: in vulnus apponitur illa plicabalsamo quodam imprægnata, ne labia vulneris inter se coalescant. Duo fasciæ extrema, unum versus angulum superiorem, alterum vero versus angulum posteriorem retrahuntur, & post tergum nodo constringuntur. Postea lintea quadratâ vulneri imponuntur aliis fasciis leviter compressa. Ex intervallo solvitur apparatus ut pus, aut aquæ per certum quoddam tempus coærvata effluant. Unâ quâque die eodem agendum est modo. Prescribuntur remedia morbo idonea, donec nullum puris aut aquarum in cavo thoracis contentorum supersit vestigium. Missam fecimus methodum quâ ope acûs triquetræ educuntur humores, siquidem opporueret ut quocienscunque sit vacuatio, de novo celebraretur operatio.

V.

**N**ULLA inter operationes Chirurgicas existit methodus suis fautoribus orbatâ. Qui pectoris Paracentesim in parte posticâ celebrant falsâ

\* Vid. *Sharp*,  
*Traité des Opé-*  
*rations*, page

254.

Commodi specie decipiuntur. Illud commodum repetunt ex declivitate naturali quam ex parte anteriori ad partem posticam pectoris sibi vindicat diaphragma. Hujusce musculi posicio, ægrotantisque situs post operationem, liquidi colligendi exitui favet. Licet tamen experientiâ innitatur illud commodum, non inde sequitur ablegatio methodi acerbissimi *Sharp* excogitata & proposita. Etenim felices successus sæpe numero habuit illa methodus. Cum verò omnia, quæ ex priori suboriuntur, mala præcaveantur, herculeo ictu ferientur illi, qui illam laceßere audent. 1.<sup>o</sup> enim in parte laterali pectoris resecantur tantum tegumenta, musculi intercostales, & pleura; nullo modo musculum serratum majorem & anticum pertingit scalpellus, si quidem duntaxat percurrit spatium exiguum de quo mentio facta fuit. In parte posteriori res aliter se habet. Scalpellus in musculum latissimum dorsi dictum & parrem posticam serrati majoris sibi sternit iter. 2.<sup>o</sup> quod sæpe contingit, in fistulam abit plaga. Nam partis resectæ fluido semper irroratæ pravum colorem contrahunt, magis ac magis inflammatione corripiuntur ora vulneis, & carnosos induunt. Denique si fistulâ non oblideatur pars illa thoracis fauciata, in medellâ vulneris longas afferet moras perpetuus humorum effluxus. 3.<sup>o</sup> Pars pleuræ vulnerata inflammationem etiam concipere potest, & cum membrana illa tanquam costarum periosteum haberi debeat, si suppuratione tentetur, pus brevè liquidi effusi miscellâ alteratum, compactam costarum substantiam implet, carieque exedet. 4.<sup>o</sup> Totus plagæ ambitus, præsertimque pars inferior inrumescit. Pus aut aquæ serpunt per textum cellularem cujus operalligantur musculus latissimus dorsi, & serratus major anticus, & quod uberius suppurationis excitatæ proventus, eò longius prolongatur curatio. 5.<sup>o</sup> Arteriam intercostalem nunquam incidis, & norunt omnes, sectâ arteriâ, quam difficilè curetur plaga, licet nostris temporibus repertum fuerit medium ad cohibendam hemorrhagiam tutissimum. 6.<sup>o</sup> Spatium in parte posticâ thoracis angustissimum est, & contra in parte laterali: inde meritò pertimescenda venit arteriæ sectio quæ in parte posticâ sulco parti inferiori costarum insculpto non omnino tegitur. Si sectionem arteriæ vitandi causâ, ut se gerunt quidam Chirurgi, partem superiorem costarum inferioris lamberet intercostalium musculorum incisio, certior sequeretur caries. 7.<sup>o</sup> Pleuræ adhærescit sapissimè pulmo in parte posticâ, quod sit ut in hoc casu nullo ferè gaudeat successu operatio. Contra verò in parte laterali, & paululum anticâ, (si fides adhibenda sit aperturis corporum inflammatione pulmonis interemptorum;) rarissima admodum est pulmonis pleuræ adhesio. 8.<sup>a</sup> in methòdo propòsitâ pro nobis etiam militat ex parte mediâ ad externam diaphragmatis declivitas. Etenim curvilinei anguli speciem exhibet ille musculus cujus apex in parte convexiori & mediâ, ubi diaphragmati hæret pericardium, & cujus latera ad costas desinunt. Quando igitur solvitur apparatus. Si in latere affecto decumbat æger, facili denegotio foras amandabitur effusum liquidum. Sed, inquit quidam, si erecto trunco stet ægrotans, nullus dabitur liquido exitus: res verò aliter se habet si in parte posticâ pertundatur pectus. Facile responsum: aquâ aut pure semel evacuatâ, quantitas liquidi per duodecim horas collecti ferè eadem erit in methòdo vulgari ac in methòdo *Sharp*. Quemadmodum enim spatium existit

inter limbum inferiorem plagæ in parte laterali factæ & finem diaphragmatis in eodem loco, ita inter partem inferiorem plagæ parti posteriori inflicte & partem posticam diaphragmatis, vacuum datur. Hinc collectio humorum in duabus methodis eveniet. 9.º Effluxus aquarum, v. g. tam decantatus, gravissimis incommodis obnoxius est ut jam dixi : & ut in methodo vulgari effluxus ille locum habeat, necesse est ut in ipsum vulnus semper inclinatus cubet ægrotans, quo quidem situ pessimum induunt habitum era vulneris. 10.º Methodo Sharp admissâ, facilius vulneri curationem admoveas. His igitur positis, lucè clariùs patet quod felici conspiratione omnia commoda methodo laterali palmam tribuant. Minor adest carniùm resectarum summa, consequenter vulnus sequitur levioris momenti inflammationis, ac proinde minor suppuratio,

Ast urgebunt pectoris Paracentesis adversarii : frustra illam operationem celebras, etiam in tempore opportuno. Morbi enim causis non mederis Ad hæc Celsi voces mutuari liceat? *non sanat emissus humor, sed locum medicina facit.* Solutis ergo difficultatibus faciliè, videre est quod methodus anglica omne tollat punctum. Inde concludere est:

*Ergo in pectoris Paracentesi, satius est in parte laterali & anticâ sectionem instituere, quam ad partem posticam.*

#### DOMINI DOCTORES DISPUTATURI.

*M. Marinus - Jacobus - M. Joannes - Baptista - M. Petrus LALQUETTE,*  
*Clarus ROBERT, Franciscus DE LA RI-*

*VIÈRE, Consiliarius*  
*Medicus Regis Ordina-*  
*rius in ejus Castell etc.*

*M. Maximilianus - Josc- M. Guido DANIE DES- M. Petrus-Josephus MAC-*  
*phus LEYS, PATUREAUX, QUER, Regiæ Scientiarum*

*Academiæ Socius, &*  
*Censor Regius.*

*M. Joannes DESCE- M. Cleriadus VACHIER, M. Josephus Maria -*  
*RET, Censor Regius. FRANCISCUS LASSONE,*

*Regis in sacro Consisto-*  
*rio Consiliarius, Regiæ*  
*Medicus primarius,*  
*Censor Regius, & Regiæ*  
*Scientiarum Academiæ*  
*Socius.*

Proponebat Parisiis ANTONIUS-JOAN. BAPTISTA-MACLOVIUS  
GUENET, Rothomagens, Saluberrimæ Facultatis Medicinæ Pari-  
sienfis Baccalaureus, Theosophs Auctor, A. R. S. H. 1766. A. SEXTA AD  
MERIDIEM.